

قادیلریمزك تستیمی حائل اولور؟ حاشا! بالعكس كمال اهمیتله امر وفرمان بویوریور. بزه - امرلری دیکله مدیکمز ایچین - ستملر، انفعاللر یاغدیریور. « بلالر مبارکی !! » دیور. فقط بز آدم اولق ایسته میورز. بز یاشامق ایسته میورز. بز بالاخیار تولومه قوشیدیورز. بر انسان اتخار ایده بیلیر؛ فقط بر ملت نصل کندینه سوء قصد ایدر اللههم؟!

محمد فخرالدین

مدللی فاجعه لری

— ۱ —

هلالک زیر حماست شفقتکاریسنه کیره لیدنبری مطراً و متادیا کوردکلری آثار نوازش والفتات، هر آن، هر دقیقه مظهر اولدقلری مساعدتکار معامله سایه سنده، حر و سربست بر حیات مسعود و حشمتشمنون ایچنده پرورشیاپ اولان مدللی اهالی خرسیتانیه سی، یونان کیلیرینک جزیره اوکلرنده کورونمسی اوزرینه اووقته قدر قابلیرینک اک درین، اک قورقونج کوشه لرنده کیزله مکده اولدقلری کانون وحشت بردنبره فوران ایتش، برکون اول قارداش کی کوروشدکلری، برکون اول هر برندن آثار مودت و حرمتدن باشقه بر معامله کورمدکلری زواللی طالاسر اسلاملر حقنده؛ تاریخ بشریتک قارا کلق، وحشت نما دورلری بیله کولکده براهه حق مظالم اجرا نندن کندیلری آله مامشلردر. قلبنده ذره قدر حس انسانیت، روحنده سونوک بر شعله درجه سنده نور عرفان و معرفت بولنان هر انسانک ابدی نفرتلره یاد ایده جکی خونین ودهشت انکیز صفحه لرك ظهورینی برسیای بشوشانه ایله تماشا ایدن و بوتماشادن احتماله درین ونوشین بر ذوق سباعانه طویان مدللی اکابر (!) خرسیتانیه سی جهان مدنیت حضورنده - اکر وارسه - تیره مهلی، یرله کچمیلدر.

داها برکون اول مدللی برجلرنده تلاطم ایدن هلال، قدرت فاطره نك اك فیاض عواطفنه مستغرق اولان بوکوزل آطیه بهشتی نورلر، حمایتکار وشفیق حزمه لر صاچارکن، اسلام، خرسیتیان هر فرد، بلا تفریق دین و مذهب قارداش کی کچنیرکن، داها طوغریسی عثمانلی حکومتی خرسیتیان و طنراشلر حقنده هر خصوصده اسلاملر درجه سنده وبلکه داها زیاده ملطف و مساعد بر حرکت تعقیب ایدرکن، برکون صوکره مملکت قوه اشغالیه ترک و تسلیم ایدیلنجه، بر طوفان قیامت نمون قویمش، اورتهلق هرج و مرج اولمش، اسلاملرک مقدساتی، ماللری، جانلری، ناموسلری سرسری بالیقاریلرک بازیچه هوسات و احتراصاتی اولمش، اک باربار ان سانلرک، اک خونخوار جانلرک بیله توپلری اوزرته جک تجاوزات و مظالم اسلاملر حقنده مباح کورولمش، عثمانلی حکومتک بر آزلزومندن فضله اولان معاملات و تسهیلات لطفکاریسی، اهالی اسلامیه نك شفیق و صمیمی معاونتلی سایه سنده هربری برر قارون درجه سنده ثروت و سامان اکتساب

« ان شفقو کم بکونوا لکم اعداء و یبسطوا الیکم ایدیهم و السنتهم بالسوء وودوا لوتکفرون = ای مؤمنلر! دشمنلریکمز سزه غایبه چالارسه در حال دوستلق ماسکه سنی آثار، چهره عداوتی کوستیرلر؛ جلاد پنجه لری اوزریکزه اوزاتیرلر. قانلی دیشلری صیریتیرلر. سزه ایتدک فئالق، یا مدق اشکنجه و عقوبت بر اقرارلر. نه عرضکنز قایلر، نه ناموسکنز؛ نه جانکنز، نه مالکنز؛ نه دینکنز، نه قرآنکنز؛ نه جامعلریکمز، نه قبرستانلریکمز؛ « آه... شو مسلمانلر بزم کی اللهمک برلکنی، جناب محمدک [علیه الصلاوة والسلام] رسالتی، قرآن کریمی انکار ایتسه لرده بزه بکزمه لر...! دیه بوتون احتراص صلیب پرستانه لرله تمی ایدرلر. آیات کریمه سی بوتون قوه ایمان و عرفانی ایله تجیل و تکریم ایتمه مک ممکن می؟

ایشته بیک اوچوز سنه اول شرف بخش نزول اولان بو آیات جلیله! ایشته اون دردنجی عصر هجری صلیب یوننک تمیلری! وحشتلری! اعتسافلری! خونخوارلری!

حضرت فاضلک توصفی وجهله (چیقیدنی قابوخی بکنمین کستانه) یه بکزمه مین میسیونر شاگردلری غربک مدنیت وحشیه و حیوانیه سی پرستشکارلری بکلریمز حالا عقلا نهمه سینلر! حالافرنکلره خوش کورونمک مقصد رذیلانه سیله او کوزلم دیانت مقدسه اسلامیه. مزنی، او محترم ملیت و مدنیت مزنی، او نجیب و زبه، او صاف، او مقدس اخلاق اسلامیه مزنی ذم و قدح ایتمکی کندیلرینه بر شرف، برمفخرت، بر لازمه مدنیت، بر فریضة معرفت بیلسینلر دورسونلر! اوروپا عقلاسی بزه تفسیح ایتش نظریله باقارلرسه - مع التأسف - اصابت ایتش اولمازلرمی؟ ایشته وجود ملت اوزرینه سریلیمش فرنکی جیبانلری! بو مستکبره جیبانلردن اوزواللی وجود ملت قا غره ن اولماز، تفسیح ایتزده نه اولور؟

قاریلریله برابر فرنکلشن بومدنیت غریبه فصیله سنه صوراریز: سفاهتدن، ناموس و حیایی استخفاف و تحقیردن، قاریلری قرون اولی نسوانی کی نیم عربان فرنکلره تقدیمدن باشقه نه مزیت، نه فضیلت، نه معرفت کوستیریورلر؟ سویله سینلر! کوسترینلر. وجود ملتده تمامیه قان غره نلشمش، کیلوب آتیلیمسی زمانی چوقدن کلوب کچمش بر عضو فرنکی دکلری »

بزم انکلر قدر شوکت بحریه مز، آلمانیا قدر سسطوت بریه مز اولایدی ده حضرت فاضلک دیدیکی کی [۱] - عبالی کبلی بولونایدق، ینه ادوار جهانگیری ایچنده شان و شوکت مزله یاشاسایدق اوزمان بو طاتلی صو فرنک پرستشکارلری نه دیه بیلیرلردی؟

یوقسه بزی بویله بر شوکت بحریه، بویله بر سطوت بریه بی اعداد واحضاردن، بوتون ملکمزک خزائن لافنای طبیعیه سی سینه سندن آلمق دن، وطن مزنی اک کوچک کویلرینه قدر شمندوفرله ثور و محک آغنه چوریمکدن، فابریقه لر، ترسانه لر، حوضلر، تونلر، والحاصل مدینتک بوتون بدایع مادیه سی وجوده کتیرمکدن دینرمی منع ایدیور؟

[۱] نمونه ادبیات: قوهی بک بختده.

ایتمش اولان منور (۱) اکابر (۱) خرسیتانییه بومظالمی بشاشت نمون
برسیای لاقیدی ایله وبلکه مستحسن نظرلرله تماشا ایده جک قدر
سفیل بردرکه یه سقوط ایتمش! شرف انسانیه یی ابدیاً قانلی لکه لرله
تلویث ایده جک اعتسافاتی تقدیر وتشجیع ایتمکدن حیا ایتمشلردر!
بشریت منوره ایچون بوندن دها رذیل بردنائت، بوندن دها سفیل
بر ردائت تصور اولنه یلورمی؟

یونانیلرک مدلی فاجعه لرله انظار مدنییه عرض ایتمک لری الواح
حقیقت نمایی برسکون عمیق ایله تماشا ایدن، صلیک بودرجه خونین
وبی امان مظالمه آلت ایدلمه سنه متحمل اولان آور، پافکار منوره سی،
شان عرفان ومدنیق نه مرتبه تنزیل، نه درجه ترضیل ایتمک لری عجباً
بر آن ایچون اولسون دوشونمورلرمی؟!..

دابر آطه لرک، سرسری موجه لرک آفاقه بر زمزمه آهنگدار
اتحاف ایده رک اوقشادینی کوزل ساحلاری، بوکون بررنک خونینه
بورونمش، ظلم آلتنده نه زیلن، قهر ایله اولدیریلن معصوملرک
واویلای تظلمی، انین تلہفی، کره نسیمی لرزه دار ایتمش اولدینی
حالده آوروپانک - شرقی قارشی یک حساس اولان - باصره انتقادی،
سامعه ترحمی کویا هیچ برشی اولماسش کی بوتون بونلری ابدیاً
کورمه مک، ایشتمه مک ایسته یور.

دون بوبدبخت طوبراقلر، اولدینش ساحلار سینہ برطراوت
وشفقته ساکن و آسوده یاشایان وطنداشلره هر دقیقه برر بوسه
آمیزش و بختیاری اتحاف ایدرکن، بوکون مفترس خائیلرک، خونخوار
حیدودلرک آقیتدقلری معصوم قانلریله ریان، پارچه لادقلری طالع
زده جسدلریله بر مرزارستان فجاعته انقلاب ایدیور. آرتق رنگین
افقلرنده الحان آسودکی یرینه، ماتمده طوللرک فریاد استمدادی،
خزینہ عصمتلری یغما ایدلمش محقر قیزلرک واولیلای استرحامی،
اوکسوز یتیملرک کریه نالانی تلاطم ایدیور.

هر طرفدن پیرامن عرشه قدر یوکسه ان غاغله تظلم، برر عصمت
اوجانی اولان هر اودن قوپان فریاد ترحم، یغما وتارمار ایدلمش،
بیقلمش، هر قولبه دن دریندن درینه ایشیدیلن محترز اینلرک موجات
خائفی، بزی، زوالی بدبخت شرقیلری اوزاق سنه لردنبری حقسنزلق
ایله، ظلم ایله خرسیتانلره تجاوزله اتهام ایدن جبار وغنید آوروپانک
صماخ مرحتده - یک یازیق که - بر معکس بیله بوله میور. اک اوافق
بروقعه، صرف اقتصادی بر حادثه مناسبیله مدلی اوکلرینه دونمالرینی
کونده ره رک نمایشلر، تهدیدلر، ترضیلر، تضمینلر طلب ایدن مدنی
ومتعظم آوروپا، یکرمنجی عصر مدنیته ابدیاً شین اوله جق قتل
عاملری لاقیدانه سیر ایدیور، مفترس وخونخوار جنوارلرک قانلی
نچهلری، بی امان وناموس سز لاری آلتنده پارچه لانان، دیدیکلرین
بیسکرجه معصوملرک، ناموسلری پایمال ایدیلن طالعسنر باکرلرک
امدادینه شتاب، هیچ اولمازسه بوخائن صیرتلانلره (آرتق الویرر!..)
خطائی توجیه ایتمکی بیله عنعناتیه (!) بیطر فلغیه (!) متناسب کورمیور.

بالعکس مترقی آوروپانک شرقه درس مدنیت ویرن، بوخصوصده
بزی انصافسنرجه، حقسنرجه اتهاملر آلتنده نه زن احتراض آلود
مطبوعات قانلی حیدودلرک آسمانلر تیترون حرکات فجیعه نمونلرینی
برر داستان ظفر شکننده تصویر ایتمکدن اوتانمیور، حیا ایتمیورلر.

عجباً جهانده متعصبیلردن، سفیل منفعت پرستلردن باشقه برده حسیات
عالیه ایله مشحون وجدانلر بولندینی حقنده کی قناعت اساسسنر
وچوروکمیور؟ عجباً بوکی برقناعت صرف برخیال نیکینی اثر میمیدر؟!
عجباً دینلیدیکی کی سفیل ومحتصر آوروپا فوقنده معنویت بشریه نک
اعلاسنه خادم، قهر وظلمه دشمن، عصمت حرمتمکار، فجیعه دن
متنفر، مدنی بر آوروپا وارمیدر؟! وارسه شرق قریبی آل قانلره
بویایان، معصوم و بیکنانه اهالی یی یرسنر، یوردسنر، آج، صوسنر،
براقان ظلملره، یغمالره، ایقاع ایدیلن فجیعه لره بر نهایت ویرمک
ایچون ناموسکار وجدانلرده نه دن شمدی یه قدر بر بارقه عصیان،
حساس قلبلرده بر صرصر ترحم قوبمیدی وقوبمیور؟

یوقسه بوتون روم ایل واطه لرده کی طالعسنر وکیسه سنر مسلمانلر
بردانه قالمیجه یه قدر بوغازلاندقن صوکره می مدنی آوروپادن برصدای
نفرت طویوله جقدر! هیات!.. ظلمی بودرجه حمایه ایدنلره مدنی
نامی ویرمک قدر شان بشریت برشین اولورمی؟

عید انجی نک ایکنجی کونی ایدی، نیرجه انتاب، صانکه اوکونک
بر روز ماتم اولدینی آکلاتمق ایسته یورمش کی افق شرقی استیلا ایدن
کشیف بلوطلردن قورتیله مدیغندن وقت ایلریله مش اولمقله برابر
اورته لقی نیم مظلم بر حالده ایدی. مع مافیه سسوقاقلرده فوق المعتاد
تلاشلی تلاشلی اوتیه بری یه قوشمالردن اوکون قیامت انکیز حادثات
ظهور ایده جکی استدلال اولنه یلوردی.

فی الحقیقه آزر زمان صوکره بوتلاشیرک اسبابی آکلاشیلدی.
هفته لردنبری وطنداشلرک، بی صبر و آرام انتظار ایتمکده اولدقلری
یونان دونمائی مدلی لیاننه کلشیدی.. وطنداشلر (!) چیلغین بر نشته
وشطارتله سواحل هجوم ایدیورلر، (زیتوا) صدار ی آفاق تیترون،
قادین، چوچوق، اختیار، عایل، خسته هر کم وارسه اللرنده برر
یونان بایراغی اولدینی حالده اسکله یه شتاب ایدیورلردی. ساعت فلاکت
آن بان تقرب ایدیوردی. اسلام محلاتی حداسنه کلن بر حرب سفینه سی
طوپلرینی اسلام اولرینه توجیه ایده رک آتش ایتمک مهیا بر وضعیت
آمشدی. شهرک تسلیمی حقنده کی تکلیف قبول ایدلمش اولدیغندن
آلفرانغه ساعت دو قوز راده لرده یونان عسکرلرینی حامل بر قاج
قایق اسکله یه یاقلاشمغه باشلادی. ساحل لردن، اولردن، دکانلردن
یوکسه ان زیتو صدارلری کلیدلرک جان سسلریله برلشهرک کره نسیمی
صارصارکن، بردنبره پاتالایان دهاش سلاح سسلری اورتالغه بوس بوتون
قیامت نمون برخشیت ویریوردی. هر بری برر سلاح مخزن یی اولان
خرستیان اولردن پاتالایان بوسلاحلر یونانیلرک تبریک قدومی واعلان

شادمانی ایچون آتیلورلردی .

بومسرت و شادمانی آره سنده بلا حادته یونان عسکرلری قارایه چیقدیلر . بواننده اعلان حاکمیت ایچون کیلردن آتیلان طوپ سسلری ، عینی زمانده زوالی اسلاماره ساعت فلاکتک حلولی ده افهام ایتشدی . بو آراتق قهار بر طالع سوقیله ریختم جوارنده بولنش اولان سلاحسز بدبخت بر اسلام ، یرلی وطنداشلا طرفندن آتیلان قورشونلرله یونانیلرک تسعید قدومنه ایلك قربان وحشت اولدی . بو آندن اعتباراً آرتق دوره دهشت باشلامش ؛ آق دکر بریلرینه عشوه کاه غرام اولان بو کوزل آطه ، تویلی اورپرته جک ، روحلری تیتره ته جک ، قلبلری پارچه لایه جق ، دماغلری مفلوج براقه جق قورقونج و قانلی فاجعه لره مشهر مظالم اولغه نامزد اولمشدر .

یونان بایراغنی حامل بر عسکر قره یه آیاق باصدینی ائنده قربان غدر اولان بد بخت بر مسلمانک دوکولن خون معصومی بو دلربا آطه نک ، بوزمردین ساحلرک ، اوشکوفه دار اووه لرک بوندن صوکره آقیدیلر جق بیکلرجه اسلام قانلریله بر رنک لعلکون اکتساب ایده جکنه دلالت ایدیورلردی . فی الحقیقه بوايک قربان یره سرلرکدن صوکره جسارتیاب اولان ، عاجز و معصوملری پارچالامق ایچون خونین دیشلرینی صیریتان وحشی بالیقاریلر قان ایچیجی صیرتلانلر کی اسلام محلاتنه هجوم ایدیورلر ، دهاش برغلغه اصوات سوقاقلری طولدر . ییوردی . طالعسز اسلاملر دهشت ایچنده نه اولدقلرینی ، نه اوله . جقلرینی بیله تقدیر ایده میورلردی . غلبه لک بر سرسری آلائی یغما و غارت قویولمشدی . ایلك حمله ده تلفونلر قیرلدی . اسکله جوارنده کی بولیس دائره سی یغما و تخریب ایدلدی . آلائی قودور مشجعه سینه عدلیه دائره سینه ، حکومت قوناغنه هجومله اوراق و دفاتری پارچه پارچه ایدرک سوقاقلره آتیورلردی . سلاح تخریبی ، تورک عسکری بولندیغی اداسی و سرسری یرلی وطنداشلرک رهبرلکی ایله کیرلنک خانه ، یغما ایدلنک او قالمدی . کیجه یاریسی اسلام اولرینه هجوم ایتک ، قادینلرک ، چوجوقلرک و اویلائی استمدادی آره سنده خانه صاحب لری تفنک دیجیکلری آلتنده حبس سخانه لره کوتورمک احوال عادیه صرمنه کیرمشدی .

وطنداشلا (!) یونان عسکرینی ذیل زورنا سرخوش ایتدکدن صوکره اوکلرینه دوشه رک کیجه لری بلای مبرم کی اسلام محلاتنه کوتوریورلر ، و آرتق سلسله فجایع باشلا یوردی . اورته ده بر حکومت یوقدی . اسلاملره روا کوریلن ظلمدن ، حقارتدن ، یغما دن ، قتلدن هیچ کیمسه مسئول اولیورلردی . دیریلر یاییلان بو قدر مظالم کافی کله مشدی . تخریبات مقابره ، تره لره ، جامه لره قدر تشمیل ایدلمکه باشلادی . اصحاب کرامدن بر ذاتک مقبری اولق اوزره طانیلمش اولان بر تره یی یغما ، ولجیه سعادت ی پارچه لادقن صوکره کلیسایه تحویل ایتدیلر .

اڟان محمدی اوقونمسی منع و جامه لر سدا یدیلرک آناختارلری میتره .

پولیده تسلیم اولندی . حسن حالی ، ورع و تقوای ایله معروف اختیار بر ذاتک صاقللری یولوندی . البسه لری پارچه لاندی . صوبار ، سونکولر آلتنده حبسه کوندرلدی . شهرده حقارت کورمک ، حبسه طیقلمدق کیمسه قالمامشدی . وطنداشلا (!) دونکی کون محاس اارده یان یانه اوطوردقلری اسلام اشرافی بلا سبب و صرف تحقیر و تریذیل ایتک غیرت بهیمه سیله الارینی قوللرینی باغلا یه رق ، تفنک دیجیکلری آلتنده سور و کله یه سور و کله یه ، کندیلرینک قاپوسنک بیله نرده اولدیغی بیلمدکلری حبس سخانه لره طیقمق ، جایلره مخصوص زندانلره آتمق کی تعذیباته ذوقیاب اولیورلردی !... بالقان متفقلرینک حرکاتی تحسین و تشویق ایدن ، بو اتحاد و هجومی محق و مشروع کورن آوروپا افکار مدنیه سی ایچون نه رنکین منظره لر !... یکر منجی عصرک ناصیه تمدنه طاقیله جق نه پارلاق پرلانظه لر !...

کریده ، ما کدونیه اده شمدی یه قدر اسلام قانی ایچمکه وقت کچیرمش اولان بر سوری وحشیلرک ، قوه اشغالیه طرفندن تسلیح ایدیلن یرلی شقیلرله برلکده اسلام کویلرینی باصه رق بیجه جکلرینی ، ایچه جکلرینی ، البسه لرینی حتی آرقه لرنده کیلرینی بیله صومیق شرطیله یغما ایتدکدن صوکره معصوم و طالع زده کویلیاری ؛ یدی یاشندن یتیم یاشنه قدر طویلایه رق الارینی قوللرینی باغلا یوب تفنک دیجیکلری ، قضا طوره ضربه لری آلتنده یالین آیاق ، باش آچیق کوی کوی طولا . شیرملری ، یولده صرف براکلنجه اولق اوزره ایچلرندن کوجلی قوتلی کوردکلرینی قورشونه دیزملری ، و یابوغازلاملری ، اولرده قالان قادین و قیزلرک عرضلرینه تجاوز ایتلری ، باکر و معصوم قیزلری چیریل چیبلاق سوقاقلرده طولا شیرملری ، ایچلرندن خوشلرینه کیدنلرک ناموسلرینی پایمال ایتلری عجا آوروپانک انتظار ایتدیکی آثار مدنیه دنمیدر ؟ نفس مدلی قصبه سنده مظالمدن قورتیش بر فرد ، تخریباتدن آزاده قالمش بر معبد ، یغما یه اوغرامامش بر خانه قالمامشدر . بونلردن بر قاجنی ذکر ایدرسه ک دیکر لرینه دائر بر فکر ایدینک قابل اولور . مدلی ده اسلاملر طرفندن انشا ایدلش اولان (چنارلی جامی) یونانیلر طرفندن یغما ایتدیرلش ، قیمتدار کتب علمیه یی محتوی اولان کتبخانه تخریب ایدلش ، لویه سعادت پارچالانه رق سوقاغه آتیلشدر . (طورنجلی جامع) شریفه ده عینی صورته هجوم و یغما ایتمشلردر . (قلعه جامعنه) هجوم ایدن یونانیلر ، معبدده بوله بیلدکلری اشیایی یغما ایتدکدن صوکره مصاحف شریفه یی پارچه لامش و یابراقلریله تفنک لرینی سیلمشلردر . مدلی نک اک قدیم اشرافدن اولان حلیم بکک برادرینک خانه سی بیله کوندوز قونسولوسلرک کوزلری اوکنده یغما ایدلش ، او صاحب یرندن قیمه دانیه جق بر حاله کلنجه یه قدر ضرب ایدلشدر . متمیز برعائیه و قوعبولان تجاوزدن ، بیکسلر حقنده روا کوریلن مظالمک درجه شدنی مقایسه ایتک نمکندر . (بره) ناحیه سی اشرافدن یتیم یاشنده (حسن بک) کندی آدمیله برلکده کیریدی براباس طرفندن حکومت کورتورولمک اوزره قالدیرلش ، اثنای راهده

هرايکي ده ايچيل شريفک (برقارنجي بيله ايچيتمه يکيز !) امرينک
حاملی و حضرت عيسى نك وکيلي اولان بروحانی طرفدن بک فجيع
برصورتده بوغازلامشلدرد .

(پوايهيت) ناحيه سي اشرافدن حاجی پاشا زاده عبدالرحمن بک ،
اسماعيل نامنده ديگر برکنجه برلکده بوغازلانان برمسلمانک دم واپسين
موتی سير ايتمک ايچون ، بلاسبب قتل ايدلمشلدرد . اسماعيلک کنج
و بدبخت حرمی ، قوجاغنده يا وروجوغی اولديغی حالده جنوار قلبی
بوخونخوارلرک آياقلىينه قابانه رق زوچنک تخليصنی نیاز ايتمش سهده
مرحتمسز جانيلر بچاره قادي ده بوغازلامق وحشتی کوسترمشلدرد .
(ميستغنا) ده يغما ايچون عبده بکک چفته لکنه قوشان روملر چفته لک
کهياسی ابراهيم اغايي بک فجيع برصورتده پارچالامشلدرد . (اغزا) ده
تحصيل علم ايله مشغول حافظ يوسف افندی ايله زوجه سی ، توپلری
اورپرته جک ، روحلری تيرمه ته جک برصورت فجيعه ده خنجرله پارچه پارچه
ايدلمشلدرد .

(بالچق) قريه سنده ترلانسندن عودت ايتمکده اولان ايکی
چيقتی او ائنده اوجواردن کچن يونان عسا کرى طرفدن سلاح
ونشان مجريه سی يايقی ايچون قتل ايدلمشلدرد . (کليه) ده ارککلری
باغلايه رق حبسه طيقدقن صوکره قادي نره هجوم ايدره ک عرضلرينه
تجاوز ايلشلدرد . (اغزا) ده اسماعيل تکه نامنده بر ذات زوجه سيله
برلکده بوغازلامشلدرد . (مصطفى) اسمنده بر اختيارده سونکو
ضربه لری آلتده تسليم حيات ايلشدر . جزيره نك الك غلبالك اسلام
قريه سی اولان (جوملک کرى) بر خانه قالمق اوزره يغما و تخريب
ايدلمش ، علمدان معروف و اختيار ايکی ذات حضورنده قريه نك
کنجلىرى بوغازلانقن صوکره کنديلرندن فديه نجات اوله رق ايکی
بيک ليرا ايسته مشلدرد . زواليلر بوتون مال و ثروتلری يغما ايدلمش
اولديغندن طلب ايديلن بو پاره يي ويره مدکلری جهته اللری قوللری
باغلانيله رق صوپار آلتده طاغه قالدیرلمشلدرد . غایت غلبه لک اولان
بو قريه ده آلآن اولوم يتاغنده ايکله ين اوچ درت کشی دن باشقه هيچ
بر فرد قالماشدر .

تپلونه ، ميسه توپو کويلرنده ده عینی فجاييع بوتون دهشتيله
حکمران اولمشدر . وحشيلر (ايزبور) قريه سنده بر قادي نك بوينده کی
زينت آلتونلرني کسوب آلمق ايسته يهرک خنجرله هم آلتونلری ،
هم ده بچاره نك مملرني باربارجه بر وخشته کسمشلدرد .

بوتون بو فاجعه لر اورته ده ايکن ، آوروپا مطبوعاتی ترکيايه
مدنيت صوقغه مأمور اولان بالقانلي لک حرکاته دائر ستونلر طولوسی
داستان ظفر يازمقله وقت کچيريورلر ! ...

زوالی مدنيت ! بوکون سنک نامنه پرافتخار وغرور اسلاملر
حقنه ده ارتکاب ايديلن خيانتلر ، جنايتلر ، ظلملر ، قهرلر الی الابد
صحائف تاريخده ناقابل ازاله ملوث برلکه اوله رق قاله جقدر ..

عجايکرمنجی عصر مدنيت قرون وسطی نك اهل صليب دورلرينه
پيه رلر ميتلرک نام تعصب آلودلرينه ، انکيزيسيونلرک خاطره دهشت
نمونه براکيل ظفرمی تقديم ايتمک ايستيور ؟

منع مظالم جمعيتلری نره ده ؟ شرف انسانيت آياقلىر آلتنده
نه زيلپور ، عرفان اولری باصيليور ، مکتبلر ، معبدلر يغما ايديلپور ،
انسانلر بوغازلانپور ، ناموسلر هتک اولينپور ، واويلای معصومين
کنکره آسمانی تيرمه تيور . کوبا چيکنه نيلن ظلم ، اولديريلن ييلان ،
کائناتی لرزه دار ايدن صيحه لر ايسه برنفحه استغراق بخش ايتمش کبی
بوتون جهان مدنيت بو فجيعه لرک ساکن وساکت ، برتاشا کرى کبی
طورييورلر ، لاقيدانه بومظالمی سير ايدپيورلر .

بدبخت عصر مدنيت ! نسل مستقبلک حضور عدلنه ، دوکوان
معصوم قانلری ، هتک ايديلن باکر عصمتلری ايله شائبه دار اولان
ايکرنج تاريخکله می چيغه جقسک ! زوالی مدنيت ! ...

مکاتيب

هنرستانه مختار مختصر صمزدنه :

هند يولنده

۱۹

هنرستانه مسيات اسلاميه

دؤن نجفدن کر بلايه دؤندم . ايران شهزاده لرندن اولوب اباعن جد
بوراده اختيار توطن ايدن (مجد العلماء) حضرتلری نزدنده بر قاچ
کون ايچون مسافر اولدم ، بو عائله بوراده متوطن اولدقن صکره
تابعيت عثمانيه يي قبول ايدرک بر چوق املاک وعقار صاتون آله رق
يرليشمشلدرد . مشارالیه هندستانده ايکی قارده شی واردرکه سکز
سنه اول تحصيل ايچون اورايه کيتمشلدرد . بونلرک بری بوضيره لرده
برقاچ هفتيه وقت کچيرمک واقرباني . کورمک ايچون بورايه کلش واسم
عاليه يي (احمدخان) در . اثنای مصاحبتده هندستان اهالی اسلاميه سنک
عثمانيلر حقنه کی خسياتی صوردم . بکا وافی و کافی تفصيلات ويردیلر .
مسموعاتی بروجه آتی قيد ايدپيورم :

— پدرمک قيز قارده شی - تيزه می - وقتيله بويوک (آقاخان) تاهل ايتمش
وشيمدیی آقاخان [سلطان محمد شاه] حضرتلری آندن دنيايه کلشدر .
آقاخانک هندستانده ، زنگبارده ، شوره ده - خصوصيله جبل عاملده -
مصرده برچوق مريدلری واردرکه مشارالیه هر طرفدن هدايا و نذورو آکا
مائل شيلر هان هرکون تقديم اولمقده در .
آقاخان عائله سی ، نسللری صحیح اولان ساداتدن اولوب ، مصرده
سنه لرجه اجرای خلافت ايدن (خلقي فاطميه) سلاسه سندن مقدود
بولييورلر .

بو عائله يوزسنه اول ايرانک (کرمان) ولايته تابع (محلات) شهرنده
اقامت ايدرلرکن اخيرا بويوک پدرلرينک نفوذندن خوف وخشيت ايدن
(فتح علی شاه) [چار شاهلر نندرد] مذکور عائله نك رئيسی بولنان (شاه خليل الله) ی
اولديرمش و بوارتکابی اورتمک ايچون کندی فيزي (عصمت السلطنه) ی